

Incumbensa Niggli (Samedan) concernent in scumond da cultivar organissemis modifitgads geneticamain en il chantun Grischun, scumond da cultivaziun en la lescha d'agricultura

L'utilisaziun d'organissemis modifitgads geneticamain en l'agricultura è dispuata sin l'entir mund. Sin basa dal moratori svizzer resta la cultivaziun scumandada en Svizra fin la fin da l'onn 2017. Tge che capita suenter, na po betg anc vegnir stimà oz. La gronda part da las consumentas e dals consumers na giavischa naginas victualias modifitgadas geneticamain. En noss chantun cun ina produenziun persistenta e natirala duess l'agricultura s'engaschar vinavant per l'utilisaziun da plantas senza tecnologias geneticas.

En differents chantuns da la Svizra èn gia vegnidas fatgas stentas correspundentas. En ils chantuns Tessin e Friburg è la cultivaziun d'organissemis modifitgads geneticamain gia vegnida scumandada tras lescha. En ils chantuns Berna, Genevra, Giura e Vad èn vegnidas inoltradas intervenziuns parlamentaras en chausa.

Per quests motivs dumondan las deputadas ed ils deputads sutsegnads da francar en la lescha d'agricultura in scumond d'utilisar organissemis modifitgads geneticamain en il chantun Grischun.

Arguments per in scumond da cultivaziun:

1. Quasi 60 pertschient da las puras e dals purs grischuns cultiveschan lur bains purils tenor las directives da l'agricultura biologica. Er las puras ed ils purs che fan diever da la produenziun integrada (PI) cultiveschan lur terren en moda ecologica e persistenta. Tuttas duas organizaziuns da label refusan l'utilisaziun da plantas modifitgadas geneticamain.
2. In'agricultura senza tecnologia genetica è in instrument da marketing per l'agricultura grischuna. En l'avegnir vegni ad esser impurtant che nossa produenziun sa differenzieschia da l'exteriur areguard la qualitat, l'ecologia e las metodas da cultivaziun per pudair generar in pretsch pli aut per noss products.
3. In'agricultura variada, natirala e senza tecnologia genetica sa cunfa bain cun il chantun turistic Grischun.
4. Ina coesistenza da culturas modifitgadas geneticamain e da talas senza tecnologia genetica n'è senza dubi betg pussaivla en il chantun Grischun cun sias pitschnas structures.
5. En enquistas s'expriman las consumentas ed ils consumers cleramain cunter victualias modifitgadas geneticamain, e quai gia dapi blers onns.
6. Las ristgas e las consequenzas a lunga vista da l'utilisaziun d'organissemis modifitgads geneticamain èn anc adina per gronda part nunenconuschentas. En spezial n'èn ils effects sin ils gens e sin la sanadad da las plantas, dals animals e dals umans anc betg perscrutads suffizientamain.
7. Gist per quest motiv ha la UE permess als singuls stadis commembers da relaschar sin lur territori naziunal in scumond d'organissemis modifitgads geneticamain.

Cuira, ils 21 d'avrigl 2015

Niggli (Samedan), Grass, Albertin, Alig, Atanes, Baselgia-Brunner, Bondolfi, Brandenburger, Buchli-Mannhart, Burkhardt, Caduff, Cahenzli-Philipp, Casanova-Maron, Casutt-Derungs, Cavegn, Caviezel (Cuira), Caviezel (Tavau Clavadel), Clalüna, Crameri, Danuser, Darms-Landolt, Davaz, Dosch, Engler, Epp, Fasani, Felix (Haldenstein), Felix (Scuol), Foffa, Gartmann-Albin, Giacomelli, Hartmann, Heiz, Hitz-Rusch, Holzinger-Loretz, Hug, Jaag, Jeker, Jenny, Joos, Kappeler, Kasper, Koch (Tumein), Koch (Igis), Komminoth-Elmer, Kunfermann, Lamprecht, Lorez-Meuli, Mani-Heldstab, Märchy-Caduff, Marti, Mathis, Michael (Donat), Michael (Castasegna), Monigatti, Müller, Nay, Niggli-Mathis (Grüsch), Papa, Pedrini, Perl, Pult, Rosa, Salis, Sax, Schutz, Steck-Rauch, Steiger, Stiffler (Cuira), Tenchio, Thomann-Frank, Thöny, Tomaschett-Berther (Trun), Toutsch, Troncana-Sauer, von Ballmoos, Waidacher, Weber, Weidmann, Widmer-Spreiter, Wieland, Erhard, Gugelmann, Heini, Loi, Natter, Panzer, Rutishauser, Sigron, Vassella